

# رسمنا وردة



فؤاد القاري



شعر : عبده الزراع ✱ رسوم : شاكر المعداوى



الهيئة العامة  
لقصور الثقافة

كتاب

## قطر الندى

رئيس مجلس الإدارة

ورئيس التحرير

**حسين مهران**

المشرف العام

**محمد السيد عيد**

المستشار الفني

**عبدالرحمن نور الدين**

مدير التحرير

**زينب العسال**

سكرتيرة التحرير

**نجلاء علام**



المراسلات :

الهيئة العامة لقصور الثقافة

١٦ (1) ش أمين سامي

قصر العيني - القاهرة

ت : ٣٥٦٤٨٤١ ، ٣٥٦٤٨٤٢

التجهيز والطباعة :

مطبعة الأمل ت : ٣٩٠٤٠٩٦





## حدوته



بنغنى فوق شجره وشجره  
ف الصيف الحامى وف المطره  
وبيوتنا ديماً مليانه  
من خير أراضينا المزهرة !

\*\*\*

وتوته وكمان ١٠٠ توته  
ولسه باقيه الحدوته  
حلوه ماهياش ملتوته  
بنغنى لبلدنا غنوه  
وبنحكي عنها الحدوته !

العش على غصن التوته  
عصافيره بتعزف ع النوته  
فرحانه بترقص وتصوصو  
بتغنى غنوه .. وحدوته

\*\*\*

القمح خلصت والحب  
وقلوبنا مليانه محبة  
نتنقل من توته لتوته  
ما نخل فيها فتفوته !

\*\*\*







## دب دواب اللهلوب



بمقشنة

ولا أجبش انام

وأنا مغلوب

\*\*

فى العشوة ما يكفينى

خروف

ولا وزه وريشها

منتوف

ولا بطه سمينه وحمامه

ولا حتى ٣٠ أرنوب

\*\*

أنا اسمى الشاطر

دب دواب

من زى جن ولهلوب!

أنا اسمى الشاطر

دب دواب

من زى جن

ولهلوب

ألعب واتشاقى

ولا اتفوب

وأنا حبال

بالمقلوب

\*\*

فى الليل اتعشى


واتمشى

واضرب ف ولادى





## يا شمس



يا شمس هـآى  
عـلشـان تـخلى  
قـلبى تـملى  
فـرحـان بـيـضـك  
حـزنـه بـولى  
يا شمس هـآى

\*\*\*

يا شمس خـشى  
عـلشـان تـرشى  
وـش النـبـات  
يـكـبر .. و يـمـشى  
زى الـبـنـات

لـمـا بـتـمـشى  
يا شمس خـشى

\*\*\*

يا شمس قـومى  
عـلشـان هـدومى  
ع الحـبل تـنـشـف  
أجـرى بـسـرعة  
مـن غـير ما أـرجـف  
يا شمس قـومى  
طـلـعنا فـسـحه

\*\*\*







ف زرعـه خـضـره  
ولا ف جـدار

\*\*

رسمنا ورده  
لقلب بابا  
وحمامة تعزف  
على الريابه

بـابـا بـابـا  
بـابـا بـابـا  
بـابـا بـابـا  
بـابـا بـابـا

\*\*

رسمنا ورده  
لقلب بابا  
وحمامة تعزف  
على الريابه

\*\*

## لقلب بابا

رسمنا ورده  
لقلب بابا  
وحمامة تعزف  
على الريابه

\*\*

بحبك أنت  
علشان راعيتنا  
واحنا صغار  
وزرعت غيطنا  
حب وخصار  
عمرك يا بابا  
ما قتدت نار







## لو عدى وفات



أنا فطرى بعجلات  
يمشى وينعاجب  
زى البهلوانات

\*\*

يجرى فرحان  
بمحطاته  
يوصل وبسرعه  
فأوقفاته  
ولا عمره انعطل  
فحباباته  
يمشى مطبوط  
زى النغمات


\*\*


أنا فطرى طويل  
ونهـاره .. وليل  
بيقول ديد .. ديد  
اضحك يا فريد  
وكمان يا سعيد  
على فطر جميل  
لو عدى وفات  
يسعد أوقات

\*\*









## يا ماما اسمك جميل



باكتب أول حروفك  
مغزوله من الحنين  
قلمي لسه يا دويك  
بيتهجى السنين

\*\*\*

أول كلمه رسمها  
قلمي ومُش فاهمها  
لكن منقوش مكانها  
ف القلب وف العينين  
واليوم كبرت عيدانها  
وباحنيلك جبين !

\*\*\*

يا ماما اسمك جميل  
زى الغصون تميل  
ف الصبح وف الأصيل  
والليل لما بيبجي  
تفضل عنيكى صاحبه  
وعنينا نعسانين

\*\*\*







## دبابه قزاز



أنا عايزه يا بابا  
منك دبابه  
وتكون بعجل  
وتروح على طابا

\*\*\*

دبابه قزاز  
وعجل هزاز  
والنور بيلالي  
من ورا برواز  
والنبي يا بابا  
عايزه الدبابه

دبابه على قدى  
تمشى وتهدى  
أتفسح فيها  
والقلب مندى  
وتروح الغابه  
تحتا وطنى دبابه

\*\*\*

دبابه سريعه  
وبقوة مريعه  
وانا قاعده فيها  
وف حصنى منيعه  
وبإيدى أطب طب  
على أى غلابه

\*\*\*

أنا عايزه يا بابا  
منك دبابه





زى الطواويس  
ألوانها بتضوى  
فوق سقف الحارة

\*\*

طايه الطيارة  
ف السما دواره  
وف إيدي دويارة  
أرخى وأشدد  
وبكل مهارة!

\*\*


حلوه ألوانها  
لكن لو خانها  
فى العالى ميزانها  
تهرب من ايدي  
وتقع ع الجارة  
يا ألف خسارة

## بكل شطارة


مش عايزه يا بابا  
منك دبابه  
ولا مدفع حري  
عايزه طيارة  
وتكون بدويارة  
وتطير على فوق  
وبكل شطارة

\*\*

أحمر على أخضر  
بنى على أصفر  
دبلها بيجرجر  
من قبل ما تعلا







## غزاله عيونها حور

لو شُفَّت التمر حنه  
بِمْبِلٍ ع البنفسج  
تحسّ إنك ف حنه  
والدنيا لونها يبهج  
وتلاقى الكون طيور  
فايحه منه العطور

\*\*\*

دي فراشه طايره طير  
ويتقطف العبير  
بتحب الزهرة سوسن  
والملمس الحرير  
والدنيا لما يبقى  
أول شعاعها نور

\*\*\*

باحب التمر حنه  
وبأعشق الزهور

باحب التمر حنه  
وبأعشق الزهور  
وانقش في ايدى حنه  
وأسابق الطيور

\*\*\*

أنسلى ف الجنائن  
واقرا ف القصص  
والزهر لونه باين  
أحمر وبيّنك سف  
وعيني ع السطور  
غزاله عيونها حور

\*\*\*







## أحلى الزرافات



بيحبك أولاد  
وبنات  
بزروقي ف كل  
الأجازات  
جايين لك خَس  
وجزرات  
بيغنوا على عود  
ونابات

\* \*

فرحانه بطولك  
وقوامك  
سرحانه وشارده  
ف أحلامك  
وقليله انتي  
ف كلامك  
با ظرافه إيه  
اللى جراك  
ما تردى علينا  
السلامات

\* \*

يا زرافه ..  
يا أحلى الزرافات  
يا جميلة  
ودمك شربات

\* \*

بتطلى علينا  
من فوق  
تتمشى على الأرض  
بذوق  
ويتاكل م الشجر  
العالى  
وتنقى أحلى  
الثمرات

\* \*

